

Халкимиз илм ва маорифнинг хакикий кимматини ўлчай олмаса-да, мактабдан асл мақсад нима эканлигини дуруст тушунмаса-да, «мактаб деган ўқув юрти бор, унда болалар бориб ўқуйдилар» деб билалар, ихтиёрли, ихтиёрсизми болаларини мактабга юборалар.

Аmmo «Болалар богчаси» деган сўзни эшитмаган одамлар кўбдир. Шунинг учун бу тўғрида бир оз маълумот бермак, бу кунларда очилган «Болалар богчаси»га аҳолининг диққатини жалб килмок муносиб кўрулади:

«Болалар богчаси» шундок бир бинодирки, анда ўқув ёшига етмаган 4-6 яшар болаларни йигиб асрайдирлар. «Болалар богчаси» шаҳарнинг энг яхши ва хушхаво еринда, богчалик бир бинода бўладир.

Болалар богчасинда болаларнинг сонларига караб уч-тўрт нафар бола тарбиясини яхши биладирган тарбиячилар кўйулалар. Болалар кунда соат саккиздан икки ёхуд тўртгача у ерда асраланалар.

Тарбиячилар болаларни хар кисми оддий ўйунлар билан ўйнаталар, когоз, лой ва чўбдан хар нарсанинг суратини ва намунасини ясаталар. Калин когоздан кесилган ёхуд чўбдан ясалгон харфларни болаларнинг кўлларига бериб, ўйун йўли билан харфларни таниталар. Болаларнинг ўз аъзолари ва кўзларига кўруниб турюн нарсаларнинг отлари ва сифатлариндан киска-киска сўзлар ясаб, болалардан айтиралар. Шул восита билан болаларни тўғри ва уста сўйламакка ўргаталар. Болаларни бирга ўйнатиб, бирга ўтуртуб, бирга тургузуб жамоат билан ишламак, жамоат бўлиб тирикчилик килмокга одат килдиралар. Болаларнинг тез-тез оч колишларини эътиборга олиб, болалар табиатига мувофик енгил-енгил емаклар егузалар. Болаларни покизаликга одат килдиралар. Ўйун вақтинда, тамак вақтинда кийимларини, кўлларини булготдирмайдирлар. Болаларга киска-киска шеърлар ўргатиб, мусикий хавоси билан ўкутуб, рухларини тарбия килалар. Болаларнинг эсонликларини сакламок, гавдаларини ўсдурмак учун табиблар сўзлари бўйинча хар кисм харакат килдиралар. Хулоса, бир тарбияли онадан ортуқрок болага карашалар ва асрайдирлар.

Маданий миллатлар ичинда «Болалар богчаси» кўб замонлардан бери бор. Ва болалар мактабдан бурун у ердан тарбия олалар. Шўролар хукумати соясинда болалар богчаси

Туркистонда ҳам кўпаймоқдир. Эски Тошкандда мусулмонларнинг бир неча болалар богчалари бўлди.

Самаркандда ўтган йил руслар учун собик губирнатур богинда, яхудийлар учун кизлар гимназияси ёниндаги бинода «Болалар богчаси» очилиб, миллионлар сарф килинмоқдир.

Баъзи маориф шўъбаларинда котишиб юрган маорифпарвар ўртоқларнинг кўшишлари билан ўтган баҳор эски шаҳарда Хайробод китъасинда Кулибойбачча ховлисинда мусулмонлар учун ҳам болалар богчаси очилиб эди. Лекин болалар богчаси нима эканлигини халқ англамади, болаларини юбормадилар. Бир талай харажатлар бўшга кетди, тарбиячилик учун Тошканддан келтурулган, болалар богчаси курсига ўқугон татар ҳамшираларимиз бола йўқлигидан зерикиб яна кайтиб Тошкандга кетдилар. Лекин эски шаҳар маориф шўъбаси болалар богчасининг кераклигини, бола тарбияси учун лозумини кўзга олиб мазкур Кулибойбачча уйинда яна «болалар богчаси» очди. Эмди халкимиз мундоқ тарбия уйиндан истифода килмок учун 4-6 яшар болаларини бу ерда юборсалар эди.

Эскидан бери халкимиз болаларни тўрт-беш яшарлигидан мактабга элталар, домлога айтадургон сўзлари: «Таксир, ўкумасада, алдаб-сулдаб мактабда сакланг, уйда шўхлик килиб, онасини безор киладир. Иш кучидан колдирадир, кўчаларда, нокулай ерларда ўйнайдир. Бирон ўсал бўлмасин деб кўркман. Мактабда турса, ман бозорда, онаси уйда хотиржам бўламиз...» Ана шу холлар кўрсатадирки, ёш болаларни асрамак ва ёмон ўйунлардан, нокулай ишлардан сакламок учун бир ер керак экан. Бошқа муносиб бир ер йўқлигидан оталар болаларини ёш чоғиндан хотиржам бўлайлук деб мактабга элталар. Лекин ёш болалар-ни мактабга юбормак ва ўқуйдиргон болалар каторинда ўтқузмок боланинг эсонлигига кўб зарарликдир. Бола ёш чоғинда кўнгли хохламайдиргон бирон ишга мажбур килинса, бадани орук бўладир. Димоғ ва миясига халал келадир, кони бузиладир, аъзоси ўсишдан қоладир ва бошқа касалларга учрайдир.

Кўчада, уйда ўз холича кўйулса, ёмон ўйунлар ўйнайдир, кўча болалари билан ёкалашиб, урушиб ахлоки бузиладир, ёшликдан айгокликни, олифталикни ўрганадир. Кўчада от ва ароба остинда қолиб, ёки том ва ёғоч устиндан йикилиб, бирон ўсал бўлмоғи ҳам мумкиндир. Ўсал бўлмаса-да, ўз бошига ўйнаб юрган болани «Нима бўлди?», деб ота-онанинг юраги титрайдир. Мана, «Болалар богчаси» шу холларнинг борисига чорадир.

«Болалар богчаси»нинг биринчи фойдаси болаларни мазкур холлардан, ота-онани беҳуда ташвишлардан куткармоқдир. Иккинчи фойдаси болаларни яхши тарбия килиб, лозим ишларга ўйун йўли билан ўргатиб, мактабдан бурун мактабга хозир килмоқдир.

Бу хулосаларни халкимиз дуруст англаб, мингларча халк акчаси сарф бўлаётган бу ишлардан истифода килсалар эди. Англагон кишиларга лозимдирки, англамагонларга тушунтирсунлар. Муни яхши билдирсунларки, маориф шўроси, халк ҳукумати бу ишларни ўйун учун ёхуд ўзи учун килмайдир. Балки халк акчасиндан бир қисмини халк манфаатига сарф килмоқчи бўладир. Бизга лозимдирки, гўшт дўконинда навбат кўзлаб тургандек, мактаб ва богчалардан ҳам биримиздан биримиз бурунрок навбат олмоқ ва истифода килмоқ учун югурсак.

Сўз охирида шуни эсга тушуруб ўтамизки, яхудий ватандошларимиз аҳмоқ кишилар эмаслар. Балки буларнинг зийракликларига барчамиз қойилмиз. Булар хунар мактаби очдилар, эскидан савдогар бўлдиқлари холда ўн қўл билан янги хунар, янги ишларга ёпишдилар. Болалар богчаси очиб болалар билан тўлдирдилар, ҳосили қанча мумкин бўлса, шунча фойда олаётибдилар.

Холо биз болаларимизни охири солдат киладир деб қўрқмоқда, хаёлот билан овора бўлиб, истифода йўллариндан маҳрум қолмоқдамиз.

*«Меҳнатқашлар товуши» газетаси, 1919 йил, 3 ноябрь*